

Te whakamahi i te NCEA



MANA TOHU MĀTAURANGA O AOTEAROA



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

Te whakamahi i te NCEA:
He aratohu mō ngā ākonga matua

Nā te mea he ākongā matua koe ināianei, ka ngana koe kia riro mai ai ngā tino painga o ngā tohu i whiwhi i a koe i te kura.

I ngā Tau 12 me te 13 me whakaaro koe ki ngā wāhi hei arotahi māu mō tō akoranga āmua, mō tō ara wāhi mahi rānei. He mea nui ō hua NCEA kaupae 2 – ka whakamahia hoki i ētahi wā e ngā whare wānanga, e ngā kuratini me ngā kaitukumahi hei wāhi o te hātepe kōwhiri. Tērā pea me mahi koe i ētahi paerewa kaupae 3 hei whakaritenga whakauru ki ētahi akoranga tuatoru. Mēnā kei a koe te whakaaro ki tētahi aramahi kē, āta tirohia ngā whāinga e hiahiatia ana.

“E kaha tautokotia ana te NCEA e Rangitoto College i te mea koinei te pūnaha pai rawa mō ā tātou rangatahi. Ka āhei ngā aromatawai NCEA te aro ki ngā kaupapa matatini me te horapa i ngā momo pūkenga me ngā mātauranga. Ka mārama pū te kite i ngā āheinga o te taura e angitu ai i te whare wānanga ka mutu koinei te pūnaha e arongia ana e te hunga tuku mahi.”

DAVID HODGE, TUMUĀKI, RANGITOTO COLLEGE, HE RETA KI NGĀ MĀTUA, 2011



Whakaritenga mō ngā Tiwhikete NCEA

Kaupae 1: Kia 80 whiwhinga ki te kaupae 1 piki ake rānei me te mōhio ki te reo matatini me te mōhio ki ngā tohu tau. Hei te tau 2012 me 10 whiwhinga mai i te reo matatini me te 10 whiwhinga mai i ngā tohu tau. Mā tō pouako ēnei kaupapa e whakamārama.

Kaupae 2: Kia 80 whiwhinga – kia kua e iti iho i te 60 i te kaupae 2 neke atu rānei me te 20 whiwhinga nō tētahi atu kaupae.

Kaupae 3: Kia 80 whiwhinga – kia kua e iti iho i te 60 i te kaupae 3 neke atu rānei me te 20 whiwhinga nō te kaupae 2 neke ake rānei.

Kaupae 3	Kia kua e iti iho i te 60 i te kaupae 3 neke atu rānei	me te 20 whiwhinga nō te kaupae 2 neke ake rānei
Kaupae 2	Kia kua e iti iho i te 60 i te kaupae 2 neke atu rānei	me te 20 whiwhinga nō tētahi atu kaupae
Kaupae 1	Kia 80 whiwhinga ki te kaupae 1	

Te whakaaetanga i te paetae kairangi

Ka whakamananga ngā mahi NCEA hei tohu i ngā paetae ikeike o ngā paearu maha. Me ngana koe ki te whiwhi i ngā paetae Kaiaka me te Kairangi mō te tūpono ka whakamananga koe me ngā mahi kua oti i a koe. E rua ngā momo taunaki, arā ko te Tiwhikete Whakamananga Paetae me te Whakamananga ā Hōtaka.

Tohu Whakamananga Paetae: Ina riro i a koe ngā whiwhinga 50 kei te paetae Kairangi ka whiwhi koe i te NCEA me tētahi tautoko Kairangi. Ina riro i a koe ngā whiwhinga 50 Kaiaka (he huinga rānei o te Kaiaka me te Kairangi) ka whiwhi koe i te NCEA me te tautoko Kaiaka.

Whakamananga Hōtaka: Ina riro i a koe ngā whiwhinga 14 i roto i te kotahi tau mai i te taumata Paetae me te Kaiaka rānei ka whiwhi koe i te Whakamananga ā Hōtaka. Kia kua e iti iho i te 3 whiwhinga mai i ngā paerewa aromatawai ā waho me ngā whiwhinga e 3 mai i ngā paerewa aromatawai ā roto mō tērā hōtaka ako. (Hēoi, kāore ēnei whakaritenga i te hāngai ki te Hauora, Ngā Rangahautanga Hāhi me te Taumata 3 Toi Whakaata).

Whakauru Whare Wānanga

Ki te whakaaetia tō uru ki tētahi Whare Wānanga o Aotearoa ko te iti o ngā rawa e hiahiatia ana ko:

- Ngā pae whiwhinga – kia 42 whiwhinga kei te **Kaupae 3 neke atu** rānei, he huinga o te:
 - 14 whiwhing mō ngā marau whakamana e rua
 - 14 whiwhinga mai i tētahi rānei, e rua rānei o ngā marau whakamana, marau tāpiri.
- Ngā whiwhinga Reo Matatini – kia 8 whiwhinga mō te reo Ingarihi, Te Reo Māori rānei kei te **Kaupae 2 neke atu** rānei
 - Kia 4 mō te pānui
 - Kia 4 mō te tuhituhi
- Ngā whiwhinga Tohu Tau – kia 14 whiwhinga mō te Pāngarau kei te **Kaupae 1 neke ake** rānei he huinga o te:
 - Kia 14 whiwhinga i te Pāngarau (Auraki), Tauanga, Tūponotanga, Pāngarau me Ngā Paerewa 26623, 26626, 26627.

Tirohia te whārangi ipurangi o NZQA mō ngā kaupapa ako kua whakamanangia me ngā paeuru whakatūtuki mō te reo matatini me te tohu tau.

Whakaurunga Whare Wānanga	Kaupae 3 neke ake rānei – kia 42 whiwhinga		
	Kia 14 ngā whiwhinga i tētahi “marau whakamana”	Kia 14 ngā whiwhinga anō i tētahi “marau whakamana”	Kia 14 ngā whiwhinga mai i te/ngā “marau whakamana” (kotahi, e rua rānei)
	Kaupae 2 neke ake rānei		
	Kia 8 whiwhinga mō te reo Ingarihi, reo Māori rānei (otirā kia 4 mō te pānui, kia 4 mō te tuhituhi)		
Kaupae 1 neke ake rānei			
Kia 14 whiwhinga mō te Pāngarau (Auraki), Tūponotanga, Pāngarau rānei			

“E mātau hihiri ana ngā tauria ki te hira o te whakamananga ā hōtaka hei ngā tau 12 me te 13. Hei tauria, kei te tauria 12 te āheinga ki te tūtuki i te taumata 2 me te paetae Kairangi hei whakamana i tēnei ākongā ki te tūtuki i te karahipi mō te whare wānanga. E kauanuanu ana au ki te rahi o ngā tauria kei taku tau 13 e arotahi ana ki te whakamananga hōtaka.”

TONY MELTON, TUMUAKI TUARUA, LINCOLN HIGH SCHOOL

Ko te Whakaurunga Whare Wānanga te whakaritenga iti rawa atu hei uru ki ngā momo whare wānanga o Aotearoa. Ko te nuinga o ngā whare wānanga me ngā kura e taki ana i ō rātou ake paeuru e hāngai pū ana ki ō rātou hōtaka ako. Ui atu ki ngā wānanga me ngā kura tini mō ētahi whakamāhukitanga.

Ki te hihia e koe te angitū i roto i te whare wānanga me ako koe i ngā hōtaka ako e whaipānga ana ki tō huarahi ako. Ki te riro i a koe ngā paetae Kaiaka me te Kairangi ka pai ake tō momoho ki te uru ki te kaupapa ako e hiahiatia ana e koe.

Ka whakaaroarongia ēnei paeuru whakauru ki te whare wānanga hei te tau 2011, hēoi e kore ērā whakatau e whaipānga hei te tau 2014 ka mana mō te whakaurunga ki te whare wānanga mō te tau 2015.

Karahipi Aotearoa

Ka aromatawaitia ā waho te Karahipi Aotearoa ēngari ēhara tēnei i te tohu. Kua hoahoatia hei whakamātau i ngā ākongā ihumanea me te whakarato pūtea hei āwhina i ngā akoranga tuatoru.

Ka aromatawaitia ngā ākongā noho Karahipi mō tō rātou āhei ki te whakaaro kōtaha me te whakaaro waitara. Kei roto i ngā whakamātautau te mōhiotanga, ngā pūkenga me ngā ariā o ngā paerewa paetae kaupae 3, engari teitei rawa ake te paerewa mahi e hiahiatia ana.

I te tau 2010, e 2264 ngā ākongā i whiwhi Karahipi mai i ngā tauira 9670 i whakamātauria. Ka whiwhi ēnei tauira i ngā pūtea mai i te \$500 (mō te Karahipi marau kotahi) ki te \$30,000 te uara ka utua mō te Whakawhiwhinga Tuatahi i roto i te toru tau (E iwa o ēnei i whakawhiwhia i te tau 2010).

Ina whakaaro koe ki te noho Karahipi mō te marau kotahi neke atu rānei, kōrero atu ki ō kaiako. Ka puta ēnei paeuru hei te marama o Huitānguru, nā reira e kore ēnei paeuru e tuku ki ngā whare wānanga hei whakatau tō urunga ki rō whare wānanga.

E pēhea e whiwhi aku hua?

Kei ngā kaimahi o te Mana Tohu Mātauranga o Aotearoa ngā whakawhiwhinga e pupuri ana ki tētahi pūnaha rorohiko. Ki te hiahia koe i o whiwhinga paetae ka taea e koe te uru ki te whārangi ipurangi mā te whakamahi i te Tau Ākongā ā-Motu motuhake (NSN) kei te whārangi ipurangi a NZQA www.nzqa.govt.nz/learner-login.

Hei reira koe ka kite:

- I ngā whakautu mō ngā aromatawai ā roto he mea tuku e to kura ki NZQA
- I ngā whakamātautau, whakamātautau ā waho hei te marama o Kohitātea.
- I ngā whakawhiwhinga paerewa hei te marama o Huitānguru.
- Mēnā ka riro i a koe te Whakaurunga ki te Whare Wānanga.

Te Waihanga Pārongo mō aku whiwhinga

Ko ngā pārongo e whakaatu ana i ō whakawhiwhinga ko:

- Te Tiwhikete mō te NCEA me te Whakaurunga ki te Whare Wānanga. Ko ngā tiwhikete NCEA e whakamana ana i ngā paetae (Kaiaka, Kairangi rānei).
- *Ko te Whakarāpopoto Hua Kura (WHK)*, e whakarārangi ana i ngā paerewa katoa i whakamātauria e koe me ngā hua e whakarārangitia ana, e ai ki te marau, te kaupae, tae atu hoki ki ngā hua Kāore i Whiwhi. Kei reira hoki he whakatepe o ngā hua ā marau, ā taumata ako hoki.
- *Ko te tikanga o te Pūrongo Paetae (PP)* Koinei te pūrongo ōkawa mō ngā paetae me ngā whakawhiwhinga kua riro i a koe ā, ka whānui haere i a koe ka whiwhi paerewa hōu i ngā whare wānanga me ngā kura tini.

Ka tārua ngā tiwhikete NCEA me ngā Whakaurunga Whare Wānanga i runga noa iho i te tono (ko te mea tuatahi karekau utu).

Ka taea e koe te tārua tāu ake WHK, PP rānei mai i te ipurangi. Heoi anō, ka tona tēhahi tānga kore utu mena ka tona mai koe mo tētahi.

Ka tāea rānei e au te wero mō aku whakawhiwhinga?

Pēnā he āwangawanga tāu mō te āhua o ngā aromatawai ā roto ko tōna tikanga me uiui kōrua ko tō kaiako i te whakataunga o ēra whakawhiwhinga.

Ka whakahokia ngā whakamātautau hei te marama o Huitānguru. Pēnā e whakapono ana koe i hapa te kaiwhakawā māu anō e pātai ki a NZQA kia arongia anōtia te whiwhinga paetae. Mā NZQA anō e whakamārama i tēnei tukanga.

Ka whai painga anō te NCEA ina haere au ki tāwāhi?

Ko te NCEA te tino tohu mō ngā tauira ka puta i ngā kura o Aotearoa. Ka whakaaetia tonutia i tāwāhi, tae atu ki ngā whare wānanga.

He whakaaetanga ngā tohu mātauranga o Aotearoa i Ahitereiria me Piritene Nui (UK), otirā kei te whakaaetia whānuitia o tātou tohu mātauranga i Te Hononga o Āmerika (USA). He āhua ōrite te NCEA kaupae 3 ki tō Piritene Nui Tiwhikete Mātauranga Whānui (GCE) kaupae A, otirā i Ahitereiria, he āhua ōrite ki te Tiwhikete Mātauranga Tuarua Matua hāngai o te rohe, o te takiwā rānei.

Kei te whakamahia ngā hua NCEA kaupae 3 i te Taupū Tuatoru Waengarohe o Ahitereiria e whakamahia ana hei whakaurutanga ki ngā whare wānanga o Ahitereiria katoa. Ki te whakaae atu koe, ka tukua ā-ipurangi o hua ki ngā mana o Ahitereiria e NZQA i te marama o Kohitātea.

Mēnā he ākongā nō tāwāhi koe e ako ana i Aotearoa, me matapaki tahi koe i ō mahere mātauranga tuatoru me ō kaiako. Mā rātou koe e āwhina ki te whakamahere i te akoranga e tika ana māu i te kura.

“Tata ki te 100% o ā mātou tauira e kuhu ana ki ngā whare wānanga me ngā kura tini ko te nuinga o rātou ka whiwhi i te karahipi ka mutu e whakaae ana kia uru ki ngā hōtaka ako pērā i te ture me te Pūtaiao o te Hauora. E piki hāere ana te hunga e rere ana ki rāwāhi me te whakaae mārika kia uru ki te whare wānanga. He rawe te tohu NCEA hei huarahi ako ki ngā whare wānanga me ngā kura tini.”

MARGARET VAN MEEUWEN, TUMUAKI TUARUA, TE KURA KŌHINE O DIOCESAN

Ētahi pārongo

NCEA	<p>Kōrero ki ō pouako i te kura, whakapā atu rānei ki NZQA: 0800 697 296 www.nzqa.govt.nz/ncea</p> <p>Mā ngā tauira: www.nzqa.govt.nz/students</p> <p>Te Hōtaka Whakamātautau: www.nzqa.govt.nz/timetable</p> <p>Ngā Whakamātautau Tawhito me ētahi atu rauemi kaupapa <a href="http://www.nzqa.govt.nz/<subject>">www.nzqa.govt.nz/<subject> (e.g. English, Science)</p> <p>Kia tirohia ngā Pūrongo me ngā Whakawhiwhinga Paetae: www.nzqa.govt.nz/learner-login</p>
Tohutuhu Aramahi	<p>Kōrero ki tētahi kaitohutuhu aramahi i tō kura, whakapā atu rānei ki te Rātonga Aramahi: 0800 222 733 www.careers.govt.nz</p>
Tohu Mātauranga	<p>Tirohia, whakatauriterite i ngā momo tohu mātauranga katoa: www.nzqa.govt.nz/nzqf</p>
Pūkenga Ako	<p>Te Kite i ngā mea e hiahiatia ana hei ako i te NCEA: www.studyit.org.nz</p>

Te Mana Tohu Mātauranga o Aotearoa

Wāea 0800 697 296

Īmēra helpdesk@nzqa.govt.nz | www.nzqa.govt.nz

He mea whakaputa i te tau 2011

E rīkarika katoa ana mātou ki te rongoi mai i a koe me o whakaaro. Tēnā koa tirohia te whārangi: <http://www.nzqa.govt.nz/brochures> ki reira whakatakoto i o kōrero.

Na Te Kura Tuarua o Newlands ki te Whanganui-a-Tara te whakaahua.



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

New Zealand Government